



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za finansije i budžet

Broj: 01/04-011-802/01

Sarajevo, 27. novembra 2001.

Z A P I S N I K

**sa 23. sjednice Komisije za finansije i budžet Predstavničkog doma
Parlamentarne skupštine Bosne i Hercegovine, održane 27. novembra 2001.**

Sjednica je počela u 13 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Ljubomir Kovačević, Ramiz Vilić, Salih

Kulenović, Dragi Stanimirović i Boro Bjelobrk,

Opravdao izostanak Tihomir Gligorić.

Sjednici nisu prisustvovali Zdenko Vukić i Mirko Baković.

Sjednici su prisustvovali: Beriz Belkić, član Predsjedništva BiH, Muharem Imamović i Gordana Ković, zamjenici ministra za trezor institucija BiH, Sena Hatibović, pomoćnik ministra vanjske trgovine i ekonomskih odnosa, Srđan Arnaut, generalni sekretar Predsjedništva BiH, Vedran Hadžović, sekretar Zajedničke službe Parlamentarne skupštine BiH, Ljilja Mišović, stručni sardaničnik Sekretarijata Predsjedništva BiH.

Za sjednicu Komisije je predložen i usvojen sljedeći

D N E V N I R E D

1. Usvajanje Izvještaja komisije sa 22. sjednice
2. Prijedlog izmjena i dopuna Budžeta institucija BiH i međunarodnih obaveza BiH za 2001. godinu
3. Prijedlog Zakona o izmjenama i dopunama Zakona o izvršenju Budžeta institucija BiH i međunarodnih obaveza BiH za 2001. godinu
4. zakon o namjenu i korištenju imovine koju je BiH dobila po Sporazumu o pitanjima sukcesije u banci za međunarodna poravnanja u Bazelu
5. Sporazum između Vlade BiH i Vlade SR Njemačke o finansijskoj saradnji u 1999. godini, i Sporazum između Vlade BiH i Vlade SR Njemačke o finansijskoj saradnji u 2000. godini
6. Zakon o koncesijama Bosne i Hercegovine.

Ad-1

Izveštaj Komisije sa 22. sjednice održane 19.11.2001. jednoglasno je usvojen.

Predloženo je da se rasprava po tački 2. i 3. dnevnog reda vodi skupa, što je na Komisiji i prihvaćeno.

Ad-2 i Ad-3

Prijedlog izmjena i dopuna Budžeta institucija BiH i međunarodnih obaveza BiH za 2001. godinu

Prijedlog Zakona o izmjenama i dopunama Zakona o izvršenju Budžeta institucija BiH i međunarodnih obaveza BiH za 2001.godinu

Uvodne napomene ispred predlagača o navedenim tačkama dao je Beriz Belkić, član Predsjedništva BiH.

Istakao je da je Predsjedništvo BiH na sjednici održanoj 16.11. 2001. godine odlučilo da povuče povuklo iz procedure ranije dostavljen materijal i da je utvrdilo novi tekst uz dato obrazloženje izmjena u odnosu na prethodni tekst. Izmjenama i dopunama Budžeta institucija BiH pokrivaju se samo najnužnije potrebe u okviru raspoloživih sredstava. U zakonu su unesene inovacije uz saglasnost Vijeća ministara BiH.

Pored predloženih pismenih izmjena koji su dostavljeni Komisiji prije zakazivanja sjednice, u toku sjednice dostavljen je i Zaključak Predsjedništva BiH, sa nastavka 115. sjednice održane 27.11.2001. godine, koji se odnosi na korekciju člana 2. stav 2.1. u vezi sa visinom obaveza entiteta za izmjene i dopune Budžeta. Po tom Zaključku predviđeni su prihodi budžeta entiteta 9,000.000 KM, a prihodi od sukcesije imovine bivše SFRJ povećani su za iznos za koji je umanjena obaveza entiteta (9,000.000 KM).

U sklopu ukupnih izmjena razmatrana je i ova dodatna izmjena i vođena opća rasprava o principima zakonskih prijedloga.

U raspravi su učestvovali: Muharem Imamović, Ljubomir Kovačević, Dragi Stanimirović, Ramiz Vilić, Emina Zaćiragić, Vedran Hadžović.

Nakon rasprave o principima, predložene izmjene su u cjelosti i jednoglasno podržane. Kroz diskusiju dat je osvrt i na činjenicu da je najveći dio Izmjena i dopune Budžeta i Zakon o izmjenama i dopunama Zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2001. godinu predložen po osnovu finansiranja institucija koje je Bosne i Hercegovina u manjem dijelu ili nikako do sada finansirala. Komisija smatra da se radi o opravdanom povećanju i stoga su članovi Komisije jednoglasno podržali predložene izmjene.

Nakon glasanja o principima predloženih izmjena odlučeno je da se rasprava nastavi o predloženim amandmanima.

Do zasjedanja Komisije predložena su dva amandmana.

Prvi Amandman predložen od poslanika Zaćiragić Emine odnosi se na finansiranje Ureda za reviziju.

Predstavnik Vijeća ministara, zamjenik ministra za trezor institucija BiH Muharem Imamović obrazložio je da je razlog za smanjenje predloženih budžetskih sredstava u Uredu za reviziju što se ti troškovi Ureda za reviziju odnose na kapitalne izdatke, što u ovom trenutku nije urgentan trošak.

Članovi Komisije su jednoglasno prihvatili navedeni amandman. Razlog tome je činjenica da bi se smanjenje budžetskih sredstava Uredu za reviziju moglo pogrešno tumačiti kao poruka koja bi mogla imati utjecaj na nezavisnost i samostalnost posla kojim se Ured bavi.

Drugi predloženi amandman od poslanika Abdurahman Malkića odnosi se na sredstva od 500.000 KM kao program za Srebrenicu.

Za ovaj amandman predstavnik Vijeća ministara obrazložio je da bi se ta sredstva mogla izdvojiti, ali ne sa pozicije tabele 4.4. već sa neke druge pozicije koju će razmotriti Vijeće ministara kod priprema izmjena budžeta koje dostavlja Predsjedništvu BiH.

Članovi Komisije su jednoglasno usvojili amandman, ali su ostavili Vijeću ministara da iznađe mogućnost obezbjeđenja tih sredstava sa neke od pozicija ali u okviru ukupne predložene cifre izmjena i dopuna Budžeta.

Komisija je mišljenja da je neophodno donošenje predloženih izmjena Budžeta i Zakona o izmjenama i dopunama Zakona o izvršenju Budžeta i predlaže Predstavničkom domu Parlamentarne skupštine BiH da predloženi Budžet i Zakon o izmjenama i dopunama Zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2001. godinu usvoji sa amandmanima koji se smatraju sastavnim dijelovima prijedloga navedenih akata.

Ad-4

Zakon o namjeni i korištenju imovine koju je BiH dobila po Sporazumu o pitanjima sukcesije u Banci za međunarodna poravnanja u Bazelu

Zaključeno je da se o ovoj tački dnevnog reda Vodi rasprava nakon sjednice Ustavno-pravne komisije, odnosno dostavljanja izvještaja po ovom Zakonu, na nastavku 23. sjednice.

Ad-5

Sporazum između Vlade BiH i Vlade SR Njemačke o finansijskoj saradnji u 1999. godini, i Sporazum između Vlade BiH i Vlade SR Njemačke o finansijskoj saradnji u 2000. godini

Od strane Ljubomira Kovačevića upućena je zamjerka Predsjedništvu BiH radi dužine trajanja roka upućivanja međunarodnih ugovora u parlamentarnu proceduru. Istakao je da Poslovníkom nije regulisano ko može i u kojem svojstvu predstavljati Predsjedništvo BiH može po ovim tačkama dnevnog reda i dati objašnjenja.

Sa četiri glasa za i jednim glasom protiv Komisija predlaže Predstavničkom domu da donese Odluku o davanju saglasnosti za ratifikaciju Sporazum između Vlade BiH i Vlade SR Njemačke o finansijskoj saradnji u 1999. godini, i Sporazum između Vlade BiH i Vlade SR Njemačke o finansijskoj saradnji u 2000. godini.

Ad-6

Zakon o koncesijama Bosne i Hercegovine.

Uvodne napomene po ovoj tački dnevnog reda dala je Sena Hatibović, pomoćnik ministra vanjske trgovine i ekonomskih odnosa.

Ustavno-pravna komisija je razmatrala zakon i utvrdila da postoji valjan ustavno-pravni osnov za njegovo donošenje.

Nakon obavljene opšte rasprave o principima Zakona Komisija se nastavila raspravu o sedam predloženim amandmana poslanika Saliha Kulenovića (koje je sa 5 glasova za usvojila).

Amandman I

U članu 1.stav 2 mijenja se i glasi:

“ Ovim zakonom utvrđuju se uvjeti pod kojima se domaćim i stranim pravnim licima mogu dodjeljivati koncesije u sektorima koji su po Ustavu Bosne i Hercegovine i zakonima Bosne i Hercegovine, i u slučaju predstavljanja međunarodnog subjektiviteta Bosne i Hercegovine, kao i kada se koncesiono dobro prostire na Federaciju Bosne i Hercegovine i Republiku Srpsku i to: za obezbjeđenje infrastrukture i usluga; eksploataciju prirodnih resursa i objekata koji služe njihovom iskorištavanju, finansiranju, projektovanju, za zgradnju, obnovu, održavanje i /ili rukovođenjem radom infrastrukture i za nju vezanih objekata i uređaja.”

Amandman II

U članu 4.stav 3. mijenja se i glasi:

“ Sporna pitanja koja nastanu u vezi sa dodjelom koncesija između Bosne i Hercegovine i /ili Federacije Bosne i Hercegovine i /ili Republike Srpske, rješava Zajednička komisija za koncesije iz člana 6. stav 2.”

Amandman III

U članu 7. u stavu 2. u sedmom redu iza riječi “predstavnik” dodaju se riječi: “Bečko Distrikta Bosne i Hercegovine”, a preostali dio teksta se briše.

Amandman IV

U članu 12. u stavu 3. u drugom redu riječ “tri” zamjenjuje se rječju “četiri”, na kraju rečenice tačka se briše i dodaju se riječi: od kojih po jedan predstavnik sa prebivalištem utvrđenim u članu 7. stav 1. U trećem redu riječ “toku” zamjenjuje se rječju “postupku”; riječi “neke stvari” brišu se; riječ “dva” zamjenjuje se rječju “tri”.

Amandman V

U članu 13. stav 4. mijenja se i glasi:

“ Odluka iz člana 21.stav 3. i odobrenje iz člana 23. objavljuju se u “Službenom glasniku BiH”.

Amandman VI

U članu 24.stav 2. mijenja se i glasi:

“koncedent, u što kraćem roku, obavještava Komisiju o izboru najuspješnijeg ponuđača”.

U istom članu dodaje se novi stav 4. koji glasi:
"O konačnoj odluci o dodjeli koncesije koncedent obavještava Parlamentarnu skupštinu Bosne i Hercegovine".

Amandman VII

U članu 34. iza riječi "osnovu" dodaju se riječi: "naknada iz člana 17. stav 9., člana 26. stav 1. l) i".

Komisija je mišljenja da je Zakon o koncesijama Bosne i Hercegovine potrebno donijeti sa usvojenim amandmanima koji su postali sastavni dio Zakona što će predložiti i Predstavničkom domu.

Sjednica je porekinula rad u 16:00 sati.

Nastavak 23. sjednice održane 30. novembra 2001. godine

Sjednica je počela u 10:00 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Salih Kulenović, Dragi Stanimirović, Ramiz Vilić, Mirko Baković, Tihomir Gligorić, Ljubomir Kovačević, Zdenko Vukić i Boro Bjelobrk.

Sjednici su prisustvovali: ispred predlagača zakona, Muharem Imamović i Gordana Ković, zamjenici ministra za trezor institucija BiH.

Za nastavak sjednice prema zaključku Komisije od 27.11.2001. razmatran je Zakon o namjeni korištenja imovine koju Bosna i Hercegovina dobiva po Sporazumu o pitanjima sukcesije bivše SFRJ

Komisija za finansije i budžet primila je dana 22.11.2001. godine na nadležnost, po skraćenom postupku razmatranje navedenog zakona.

Na sjednici Predstavničkog doma Parlamenta BiH održanoj 20.11.2001. godine prihvaćeno da ovaj zakon ide u proceduru po skraćenom postupku, shodno članu 104. Poslovnika Doma.

Kako je sjednica Komisije bila već zakazana za 27.11.2001. godine ovaj zakon je naknadno uvršten u dnevni red pod tačkom IV.

Predstavnik predlagača, zamjenik ministra za trezor Muharem Imamović izložio je razloge i potrebu za donošenjem ovog zakona.

Nakon diskusije o principima razmatranog Zakona provedena je opća rasprava.

Komisija je prihvatila da postoje razlozi za donošenje ovog zakona, obzirom da je i donošenje ovog zakona u vezi sa donošenjem izmjena i dopuna Budžeta institucija BiH i međunarodnih obaveza BiH za 2001. godinu i Zakona o izmjenama i dopunama Zakona o izvršenju Budžeta BiH za 2001. godinu, pored drugih razloga.

Takođe je Komisija razmatrala i amandmane koje su podnijeli poslanici Boro Bjelobrk, Dragi Stanimirović i Sead Avdić.

Vodeći preliminarnu raspravu o predloženim amandmanima Komisija je zauzela stav da se amandmani, navedeni u daljem tekstu prihvate:

Amandman I

U članu 3. dodaje se novi stav 1. koji glasi:

“Vrijednost sredstava sukcesije u monetarnom zlatu i na računima Narodne banke bivše SFRJ koja pripadaju Bosni i Hercegovini u skladu sa mjerilima iz Aneksa C Sporazuma o sukcesiji iznosi orijentaciono 130 miliona KM i biće konačno utvrđena kroz proces podjele tih sredstava između zemalja slijednica bivše SFRJ.”

Stav 1. člana 3. postaje stav 2., a mijenja se i glasi:

“Sredstva sukcesije koja se nalaze na raspolaganju u Bosni i Hercegovini, a potiču iz Banke za međunarodna poravnanja u Bazelu (u daljem tekstu BiH) preračunata u KM iznose 151.513.737,92 KM, prema cijeni zlata i vrijednosti dionica u Banci za međunarodna poravnanja u Baselu i kursu USD, u terminima prikazanim u narednom stavu u zgradama.”

Stav 2. postaje stav 3., a mijenja se i glasi:

“Struktura vrijednosti sredstava sukcesije iz prethodnog stava čine:

1. Novac kod Centralne banke Bosne i Hercegovine..... (30.09.2001.)	8.607.747,00	KM
2. Vrijednost zlata (195.543,2 unce x 273 USD x 2,2 KM)..... (25.11.2001.)	117.443.245,92	KM
3. Vrijednost dionica Bosne i Hercegovine u Banci za međunarodna poravnanja u Baselu..... (30.09.2001.)	25.462.745,00	KM

UKUPNO:

151.513.737,92 KM”

Amandman II

Član 4. mijenja se i glasi:

“Sredstva iz člana 3. stav 1. koriste se u cjelosti za finansiranje razvojnih projekata.”

Amandman III

Iza člana 4. dodaje se novi član 5. koji glasi:

”Sredstva sukcesije iz stava 2. člana 3. koristit će se za slijedeće namjene:

1. Prenos dionica u Banci za međunarodna poravnanja u Baselu bez naknade Centralnoj banci BiH, u vrijednosti.....
25.462.745,00 KM
2. Izmirenje ranijih obaveza Bosne i Hercegovine na ime članarina i kontribucija prema međunarodnim organizacijama i asocijacijama u iznosu od.....
8.000.000,00 KM
3. Za razvojne projekte.....
52.742.455,92 KM
4. Pokriće troškova sukcesije za naredne aktivnosti na poslovima sukcesije u iznosu od.....
700.000,00 KM
5. Izmirenje starih obaveza iz budžeta institucija BiH preuzetih sa stanjem 31.12.2000. godine.....
4.608.537,00 KM
6. Jednokratni projekti na razini institucija BiH.....
9.000.000,00 KM
7. Podrška budžetima Federacije Bosne i Hercegovine i Republike Srpske za izmirivanje određenog iznosa ranije neizmirenih obaveza za penzije, invalidnine i druge namjene (od čega 2/3 za Federaciju Bosne i Hercegovine, a 1/3 za Republiku Srpsku) u ukupnom iznosu od.....
51.000.000,00 KM

UKUPNO:
151.513.737,92 KM

Amandman IV

Član 5. (koji postaje član 6.), mijenja se i glasi:

“U slučaju promjene cijene zlata i kursa dolara efekti razlike će se korigovati u tački 3. člana.”

Amandman V

Članovi 6.,7. i 8. se brišu.

Amandman VI

Iza člana 6. (po Amandmanu IV) dodaje se novi član 7. koji glasi:

“Vlada Federacije Bosne i Hercegovine i Republike Srpske će donijeti odgovarajuće programe i druge akte za korištenje sredstava sukcesije za namjene iz člana 4. i člana 5., tačka 7. ovog zakona.

Sredstva sukcesije iz člana 4. ovog zakona će se rasporediti tako da Federaciji Bosne i Hercegovine pripadne 65%, a Republici Srpskoj 35% tih sredstava.”

Amandman VII

Iza člana 7. (po Amandmanu VI) dodaje se novi član 8. koji glasi:

“Vijeće ministara donosi odgovarajuće programe, odluke i druge akte i poduzima potrebne mjere za korištenje sredstava sukcesije za namjene iz člana 5. tač.1.,2.,3.,4.,5. i 6. ovog zakona”.

Amandman VIII

Iza člana 8. (po amandmanu VII) dodaje se novi član 9. koji glasi:

“Vijeće ministara i vlade entiteta se obavezuju da će najmanje 10% sredstava namjenjenih razvoju upotrijebiti za finansiranje razvoja ljudskih resursa za novo poduzetničko društvo i edukaciju iz oblasti informacionih tehnologija.”

Amandman IX

Član 9. postaje član 10.

Amandman X

Član 10. i član 11. se briše.


Amandman XI

U okviru prelaznih i završnih odredbi član 13. postaje član 12., a član 12. postaje član 11.

Na osnovu člana 89. Poslovnika Komisija je za izvjestioca na sjednici Predstavničkog doma Parlamentarne skupštine Bosne i Hercegovine imenovala Eminu Začiragić, predsjedavajućeg Komisije.

Sjednica je završila u 11:00 sati.

Zapisnik sačinila
Emira Češljarić



Predsjedavajući Komisije
Emina Začiragić

